

Tamanut ammasumik isumassarsianik unammisitsineq  
Unammisitsinermik programmi

# Nuummi Ilisarnaat



Kaassassuk

Af Simon Kristoffersen

Foto: Kommuneqarfik Sermersooq

# Peqataaqqusissut

---

Nuannaarutigalugu naatsorsuuteqaqalutalu Kommuneqarfik Sermersuumit matumuuna kajumissaarneqarpusi Nuup Ilisarnaataanut isumassarsiorluni ammasumik unammisits-inermut peqataaqqullusi.

Nuuk pissanganartumik ineriartorpoq aamma nunanit tamalaaneersunit amerliartu-innartunit najorneqalerpoq, taamannallu ineriartortoqarnera malunnartinneqassasoq uagut kissaatigaarput, anguniagaraarpullu tassaassalluta illoqarfiit pingaarnersaat nutaaliaasoq - eqqumiitsuliamik nutaamik ilisarnaateqartoq.

Takorluugaavoq ilisarnaammik katersuutsitsisinnaasumik illoqarfiullu ilisarnaataanik naleqartitaannullu naapertuuttumik pilersitsinissaq, saniatigut illoqarfimmi naleqqatut ataavartutut erseqqissutullu atuuttussamik. Unammisitsineq kikkunnut tamanut ammavoq, kisianni eqqumiitsuliortunut, ilusilersuisartunut aamma illussanik titartaasartunut pingaarnertut saaffiginnippoq, kisimiittunut aamma suliasaqarfinni assigiinngitsuni suleqatigiissutiginnut.

Siunnersuutit isumassarsisitsisut siumullu takorluukkanik imallit tigunissaat qila-naaraavut, taakkua Nuup illoqarfianut sunniuteqassapput aamma innuttaasut tikeraallu ukiuni amerlasuuni aggersuni tulluussimaarutissaqarnerannik pilersitseqataassapput.

  
Poul Petersen

1. viceborgmester

Kommuneqarfik Sermersooq

Septemperi 2025

**Paasissutissiissutit**

Unammisitsinermi programmi Kommuneqarfik Sermersuumit suliarineqarpoq

Ilusilersorneqarnera: Kommuneqarfik Sermersooq

Saqqummersinneqartoq: 1. septembari 2025

# IMARISAI

Nuuk pillugu 7

---

Tunuliaqutaq takorluugarlu 9

---

Unammisitsinermi suliassaq 11

---

Unammisitsinermi sammineqartoq 13

---

Unammisitsinermi piumasaqaatit 15



Amisut

Af Naja Rosing-Asvid

Foto: Kommuneqarfik Sermersooq


---

# Nuuk pillugu

Nuuk tassaavoq Kalaallit Nunaanni illoqarfiit annersaat kommunerujussuarmut Kommuneqarfik Sermersuumut ilaasoq. Illoqarfik inunnt 20.000 missaanniittunut angerlarsimaffiuvoq, pinngortitami kusanangaartumi qaqqallu portusuut akornanni kangerluup paavani inissisimasoq. Tamaani pinngortitaq ulluinnarnut ilaalluinnarpoq. Illoqarfiup eqqaani kangerlorujussuaqarpoq inuppassuit eqqissisimaarfigisinnaasaat, kusanaqaat aamma inuppassuit imminut pilersornissaannut periarfissaqartitsipput.

Nuummi nutaaliaasumik inooriaaseqarneq kalaallit ileqqutoqaannik tunngaveqarpiartoq ingerlanneqarpoq. Illoqarfimmi eqqumiitsuliorneq aamma kulturi eqeersimaartumik aallunneqarput, illoqarfiup immikkoortui oqaluttuarisaanermik imallit ilusilersukkanut nutaaliaasunut nunaannarmullu ammasumut imminnut qanillutik inissisimapput. Issittumi silap pissusia illoqarfimmut sunniuteqarpoq. Aput, siku aamma anorit sakkortuut sanaartornermut eqqumiitsuliornermullu immikkut piumasaqaatitaqartitsipput, taakkua ukioq kaajallallugu pinngortitap nukingitut akiuussinnaassuseqassapput.

Nuuk - Kalaallit Nunaata qiterpiaattut atuuppoq. Nunat tamalaat mittarfiat aamma imaanut toqqaannartumik atassuteqarneq, illoqarfiup nunap sinnera nunarsuullu sinneranut atassuteqalersitsisuupput. Inuppassuarnut Nuuk tassaavoq Kalaallit Nunaata sinneranut isaavik aamma nunatsinnik naapitsiffik siulleg.



“

*Ilisarnaat ilisariuminartuuvoq  
aamma sumiiffik pillugu  
naleqqatut atuuffeqarpoq.  
Inunnit pilersinneqarsimasin-  
naavoq - soorlu illu imaluunniit  
eqqaassutissaq - imaluunniit  
pinngortitap nammineq ilusiler-  
sugarisinnaavaa - soorlu qaqqaq  
imaluunniit kangerluk -  
sumiiffimmilu inissisimaffimmini  
immikkut ittumik  
saqqummiussaqaarluni.*

---

# Tunuliaqutaq takorluugarlu

Kommuneqarfik Sermersuumit kissaatigineqarpoq Nuuk illoqarfiit pingaarnersaattut nutaaliaasutut, pinnersutut aamma piujuartitsinermik aallaaveqarluni suli ineriartusasoq - illoqarfik najugaqarfissaqqissoq aamma tikeraassallugu pissanganartoq. Illoqarfimmi avatangiisit pitsaasut pineqartillugit toqqissisimaneq, ataatsimooqatigiinneq aamma sanaartukkat, tamarmik pineqarput. Illoqarfimmi illoqannginnersanik kikkut tamarmik tikilluaqqusaasutut misigisimaffigisaannik uninngaarfissanillu kajungernartunik, soorluttaaq assigiinngitsunik kulturillit kinguaariillu assigiinngitsut naapiffigisinaasaannik pilersitserusuppugut.

Ineriartornermi taamaattumi eqqumiitsuliorneq kulturilu pingaaruteqarluinnarput. Inuunermut kusanassutsimullu tunniusseqataapput, oqaluttuassatsinnik saqqummiillutik aamma ataatsimooqatigiinnut nukittorsaataapput. Isumassarsiorluni unammisitsinikkut kissaatigaarput naleqartitat taakkua ineriartorteqqinnissaat aamma ilisarnaammik kateriffiusumik kiisalu Nuup ilisarnaataanut ilisarnaatitut atuuttumik pilersitsinissaq - innuttaasunut tikeraanullu nuannaarutaasumik.



Sermitsiaq

Foto: Kommuneqarfik Sermersooq

---

# Unammisitsinermi suliassaq

Unammisitsinermi suliassaq tassaavoq ilisarnaammut siunnersuummik ineriartortitsineq, taanna kalaallit kulturiannik oqaluttuartsuussaaq aamma Kalaallit Nunaanni illoqarfiit pingaarnersaat Nuuk pillugu ersersitsiniutaassaaq.

Siunnersuummi ilisarnaatip ilusissaa allaaserineqassaaq kiisalu eqqumiitsuliornikkut ersersinniakkat aamma isumaqartitat nassuiarneqarnerat ilanngunneqassapput. Illoqarfimmi inissiivissaq ataaseq imaluunniit periarfissat arlallit tikkuarneqassapput, aamma ilisarnaatip angissusia ilusialu kiisalu saqqummersinniagaata sumiiffittut toqqakkamut naleqquttuunera illoqarfimmilu illoqannginnersamut nunaannarmulluunniit tulluartsuunera erseqqissarneqassapput.

Atortussatut toqqagaq eqqarsaatigilluagaassaaq, ilisarnaatip kusanassusianut oqaluttuassaannullu tapertaalluni, kiisalu issittumi silap pissusianut naleqquttuulluni. Ilisarnaat ukioq kaajallallugu silamiissinnaassaaq aamma atuuffia ersersinniagaalu silami allanngorartuurtumi attaannarsinnaassapput.



Tilleq

Af Jens Erik Kjeldsen

Foto: Kommuneqarfik Sermersooq

---

# Unammisitsinermi sammineqartoq

Unammisitsinermi Nuup illoqarfia tamarmi ilaavoq, tassunga ilanngullugu illoqarfiup immikkoortui Nuussuaq, Qinngorput aamma Nuummi illoqarfiup qeqqa.

Siunnersuummi ilisarnaatip inissiivissaa eqqarsaatigilluagaq minnerpaamik ataaseq illoqarfiup immikkoortuini taaneqartut arlaannut ilanngunneqassaaq.

Ilisarnaatip inissiivissaa tassaassaaq sumiiffik inuppassuarnit orninneqartartoq aamma sanioqqunneqartartoq, taamaattumik ilisarnaat illoqarfimmi innuttaasunut tikeraanullu erseqqissuussaaq ornikkuminarlunilu. Inissiiviusinnaasut assersuutigalugu tassaasinnaapput illoqarfiup qeqqani qitiusumik inissisimasut, kommuneqarfiup allaffeqarfiata eqqaa imaluunniit mittarfiup nutaap eqqaa.

Pingaaruteqarpoq siunnersuummi ilisarnaatip ilusia kisimi allaaserineqassanngimmat kisianni aamma taassuma atuuffia illoqannginnersamullu isumaa ilanngunneqassapput. Inissisimaffia Nuuk pillugu oqaluttuamut ersersitsilluassaaq aamma illoqarfimmi eqeersi-  
maartumik inuunermut ilanngusaqataassaaq.



Nuuk

Foto: Kommuneqarfik Sermersooq

---

# Unammisitsinermi piumasaqaatit

## Tunniussinissamut piumaqaatit tunngaviusumillu paasisutissat

### 1. Unammisitsisusoq, -ilusiala aammalu -oqaatsit

Unammisitsineq Kommuneqarfik Sermersuup allannikuaa. Unammisitsineq ammasumik isumassarsiamik unammisitsineruvoq Unammisitsinermi atortussat kalaallisut qallunaatullu saqqummiunneqassapput.

Unammeqataasut akissuteqarnerminni namminneq oqaatsit kalaallisut qallunaatulluunniit atornissaat toqqarsinnaavaat.

Tamatuma kingorna suliaasat suliarineqarnerini isumaqatigiissusiornermi, isumaqatigiin- niarnermi suliaqarnermilu oqaatsit kalaallisut imaluunniit qallunaatut atorneqassapput.

### 2. Peqataaneq

Unammisitsineq kikkunnut tamanut ammavoq, kisiannili illussanik titartaasartunut, ilusilersuisartunut, eqqumiitsuliortunut assigisaannullu sammitinneqarneruvoq.

### 3. Unammisitsinermi allatsi

Sefa Nur Tamer, AC Fuldmægtig

Illoqarfimmik inerisaaneq, Kommuneqarfik Sermersooq

E-mail: sent@sermersooq.gl

#### **4. Unammisitsissutitut atortussat pissarsiarineqarsinnaanerat**

Unammisitsineq ilanngussanik imallit aaneqarsinnaalissaaq **1. septembari 2025 nal. 12.00**

Kommuneqarfiga aqqutigalugu quppersagaq una atorlugu:

<https://kommuneqarfiga.sermersooq.gl/kl-GL/>

#### **5. Unammisitsinermi atortussat**

Unammisitsinermi malittarisassaq matumani ima qarpoq, pilersaarutit ilanngussallu imai, aammalu apeqqutit akineqarnerillu, immikkoortoq 6 innersuussutigalugu.

##### **Ilanngussat**

Aqqinut allagartat

Nuup tunngaviusumik nunap assinga digitaliusoq

##### **Periusissiat nalunaarusiallu**

Pilersaarusiornermut periusissiaq 2023

Illoqarfiit pingaarnersaat pillugu periusissiaq 2035

Kommunimut pilersaarut 2036

#### **6. Apeqqutit, naqqiissutit unammillertunullu anngussassat allat**

Apeqqutit, naqqiissutit allallu unammisartunut nalunaarutigineqartut Kommuneqarfigamut ilanngunneqassapput.

Suliassamut apeqqutit allakkatigut naatsumik kalaallisut qallunaatullu apeqqutigineqassapput. Apeqqutit unammisitsinermi allatsimut Sefa Nur Tamer ([sent@sermersooq.gl](mailto:sent@sermersooq.gl)) -mut nassiunneqassapput, apeqqutit akissutillu kinaassutsimik isertortumik Kommuneqarfigamut ikkussorneqattaassapput.

Unammeqataasut namminneq akisussaaffigaat, nalunaarutit allannguutillu Kommuneqarfiga aqqutigalugu saqqummiunneqartut malinnaaffiginissaat.

## **7. Piffissaq killissarititaasoq ingerlarngalu**

**1. septembari 2025 nal. 12.00** unammisitsinissaq nalunaarutigineqassaaq.

Unamineq aallarniutitut aqqissuussinermik aallarnisarneqassaaq sisamanngornermi **septembarip 4-anni 2025**-mi Nunatta Atuagaateqarfiani, 3900 Nuuk, **nal. 18.00 – 20.00**.

Unammisitsinermut piffissarititaasoq **1. novembari 2025 nal. 12.00** tungaanut ingerlanneqassaaq.

Innersuunneqartunik nalilersuisartut qulakkeerumaarpaat siunnersuutigineqartut tulluartut innuttaasunit tamanut taasitsinissamut saqqummiunneqarumaartut.

Kommuneqarfiga aqqutigalugu innuttaasunik tamanik taasitsineq ingerlanneqalissaaq **10. novembari 2025-miit – 23. novembari 2025** tungaanut.

Ajugaasoq **26. novembari 2025** nalunaarutigineqassaaq, kingornalu saqqummiunneqarumaarpoq.

## **8. Atortussanik nassiussineq**

Naatsorsuutigineqarpoq peqataasut ilisarnaatip ilusissaatut siunnersuummik nassiussissasut, ilisarnaatip takussutissiarineqarnerani titartarneqarneranilu isumassarsiap ilusaatalu isikkusnaanik erseqqissumik saqqummiisunik. Unammisitsinermik ingerlatsiffiusup suani ilisarnaat inissinneqarsinnaanera siunnersuummi ilanngunneqassaaq.

Unammisitsinermut atatillugu minnerpaamik sumiiffimmik ataatsimik siunnersuutitaqassaaq.

Annerpaamik PDF-i A3-formatinngorlugu ataatsimoortumik nassiussisoqassaaq. Quppernerit 5 saqqaa tunualu ilanngullugit.

Allannillit tamaasa, titartaanermut najoqqutassiat ilanngullugit kalaallisut qallunaatullunniit allanneqassapput. Saqqummeeriaatsip taaneqareersup saniatigut piumasaqaatit sinneri killeqanngillat.

### **Tunniussinermut atortussat ukuninnga imaqassapput:**

#### **Ilusilerineq**

Siunnersuuteqartut titartakkanik makkuninnga tunniusseqquneqarput:

Siunnersuutip ataatsimik arlalinnilluunniit titartarneqarnera.

Titartagaq ataaseq arlallilluunniit, siunnersuummi piumasaqaataasunut aamma inissiivissatut toqqakkamut qanoq tulluarsarnissaanik ersersitsissaaq.

#### **Allaaserineqarnera**

Nassuiaat, siunnersuutip kalaallit kulturiannik aamma Kalaallit Nunaanni illoqarfiit pingaarnersaannik Nuummik qanoq ersersitsinersoq.

#### **Takutitsinermi asseq/titartagaq**

Asseq titartagarluunniit saqqummiisup kissaatigisaa innuttaasunik taasititsinermi atorneqarumaarpoq.

#### **Qulequtaq**

Siunnersuut ateqassaaq eqqaassutissap aqqatut atorneqartussaaq.

#### **Aqqinut allagartat**

Ilanngussaaq aqqinut allagartaq immersorneqassaaq PDF-ngorlugu siunnersuutitut ilanngullugu tunniunneqassaaq.

## **9. Tunniussineq**

Siunnersuutit kingusinnerpaamik nassiunneqassapput ulloq **1. novemberi 2025 nal 12.00**, e-mailikkut uunga [ilisarnaat@sermersooq.gl](mailto:ilisarnaat@sermersooq.gl).

Siunnersuut tiguneqarneranut uppernarsaammik nassiussisoqassaaq. Siunnersuutit nammineq tunniunneqarsinnaanngillat.

## **10. Innersuunneqartumik nalilersuisut**

Unamminermi siunnersuutit innersuunneqartunik nalilersuisartut nalilersuissapput, taakkulu ukuupput:

Avaaraq S. Olsen, borgmester, Kommuneqarfik Sermersooq

Poul Petersen, 1. viceborgmester, Kommuneqarfik Sermersooq

Uju Petersen, formand for Udvalg for Teknik og Miljø, Kommuneqarfik Sermersooq

Runa Sværd, Plan og Myndighedschef, Kommuneqarfik Sermersooq

Jonas Lundsgaard Nilsson, afdelingsleder Fritid og Kultur, Kommuneqarfik Sermersooq

Innersuunneqartunik nalilersuisartut immikkut ilisimasalinnik siunnersortitut qaaqqusisinnaatitaavoq, tamanna dommeriisut ataatsimiititaliami ilaasortanit isumaqatigineqarpat.

## **11. Naliliinermi tungaviit**

Siunnersuutit nassiunneqartut aalajangiinermi ataatsimiititaliap misissusavai qulakkeerlugulu unammisitsinermi maleruaqqusat malinneqarnerinik.

Siunnersuutit ajuallannartunik oqariartuutillit peerneqassapput.

Siunnersuutit qinerneqartut tamanut ammasumik saqqummiunneqassapput taasissutigineqarsinnaasunngorlugit.

Kommuneqarfik Sermersooq siunnersuutininik itigartitsisinnaatitaavoq.

## **12. Taasineq**

Siunnersuutit toqqakkat Kommuneqarfiga aqqutigalugu digitaliusumik tamanut saqqummiunneqassapput, tassuuna pitsaaneq innuttaasunit taasissutigineqarsinnaavoq aamma immaqa inissiivissatut naleqqunnerpaajusorisaq.

Siunnersuut ataaseq isumassarsianit pitsaanagerusoq allali pitsaanerpaamik inissiivissaligaq akuleriitsinniarlugit aaqqiissutissaq suliarineqarsinnaavoq.

## **13. Qinersinerup inerneranik saqqummiineq**

Inernerata saqqummiunneqarnera **26. novembari 2025** piimaarpoq. Inernerata aamma Kommuneqarfik Sermersuup nittartagaani saqqummiunneqarumaarpoq.

## **14. Akissarsititsineq**

Toqqaaqatigiissussat akissarsitsinermit katillugit 250.000 DKK atugassaqartinneqarput.

Ajugaasumut pinnatassat 100.000 DKK.-iupput.

Aningaasat sinneri toqqaaqatigiissussat namminneq naliliinertik naapertorlugu agguaassinnaavaat.

Kommuneqarfik Sermersuomit kissaatigineqarpoq unammisitsinermit ajugaasoq siunnersuinermit suliasamik isumaqatigiissuteqarfigineqassasoq aamma naatsorsuutigineqarpoq, siunnersuutip suliareqqinnissaanut inaarutaasumik ilusissaa piviusunngortinneralu pillugit isumaqatigiissummik pilersitsisoqassasoq.

## **15. Pisinnaatitaaffiit**

Siunnersuutitut pinnatassaanikunut piginnittuuneq tamakkiisoq unammisitsisup Kommuneqarfik Sermersuup pigaa. Unammisitsinermit siunnersuummi piginneqqaartussaataaneq siunnersuuteqartumiittuaanartussaavoq.

Unammisitsinermit aallartitsisoq siunnersuuteqartumik oqaloqatiginninnermit isumaqatigiinniarnermillu aallartitsisinnaatitaavoq aaqqiissutaasinnaasut pitsaanerpaat qulakkeerumallugit.

Unammisitsisup siunnersuutit saqqummiunneqarnissaannut pisinnaatitaapput soorlu, nutaarsiassani, saqqummersitsinikkut digital mediakkullu. Saqqummiussinermit siunnersuunikut atii saqqummiunneqassapput.

### **16. Sillimmasiineq**

Siunnersuutit sillimmaserneqarnaviangillat, naatsorsuutigineqarmat unammisitsinermit ajugaasut eqquiniaanermi nassiussatik, sanaatik siulliit sulii paarigaat.

### **17. Utertitsineq**

Siunnersuutit utertinneqarnaviangillat.

### **18. Pilersaarutip akuerineqarnera**

Unammisitsinermit malittarisassaq politikikkut Kommuneqarfik Sermersuumi akuerineqarpoq agguksip 19-niat 2025.

Unamineq unamminermut malittarisassat Kommuneqarfik Sermersuumit suliarineqarsimasut malillugit ingerlanneqarpoq.



Imaneq 23, 3900 Nuuk, Kalaallit Nunaat  
Sanarfinermut Avatangiisinullu Ingerlatsivik  
Illoqarfimmik Inerisaaneq  
E-mail: [plan@sermersooq.gl](mailto:plan@sermersooq.gl)

[www.sermersooq.gl](http://www.sermersooq.gl)

---

